

ANEXO IX

Condicionado das accións

Liña 1: Actuacións dirixidas á conservación, restauración e mellora da biodiversidade, especialmente dos hábitats, especies ou ecosistemas naturais, así como aquelas actuacións que teñan un impacto favorable na mitigación e/ou adaptación ao cambio climático:

a) Restauración ecolóxica: Como norma xeral, todas as actuacións de restauración de ecosistemas deberán priorizar aquelas accións que favorezan os procesos de recuperación natural, complementando estes procesos na medida no que o potencial de recuperación natural estea danado.

b) Preservación de vexetación de ribeira e filtros verdes:

- Creación de ripisilvas de estrutura complexa, de máis de 10 metros de largura, con vistas a aumentar a calidade ecolóxica de beiras de ríos, regos e regachos, en tramos onde este tipo de ecosistema fora substituído.
- A repoboación farase con especies ripícolas propias da vexetación natural da contorna, respectando a vexetación autóctona preexistente.

Liña 2: Actuacións dirixidas á mellora da conectividade ecolóxica de especies de flora e fauna:

a) Creación de sebes.:

- As sebes deben atoparse entre parcelas, en bordos non cultivados ou ben conformando pequenos illotes ou illas forestais dentro do terreo agrícola.
- Utilizaranse sempre especies autóctonas características da zona de actuación. No caso de utilizar especies arbóreas, unicamente poderán ser frondosas.
- As sebes e liñas de arboredo terán polo menos 1,5 metros de largo.

Liña 3: Actuacións dirixidas á recuperación de elementos históricos, patrimoniais ou culturais representativos ou precisos para o mantemento da paisaxe agraria, cultural ou etnográfica tradicional:

– Para a recuperación de elementos tradicionais teranse en conta as Guías da Paisaxe Galega ás que se pode acceder a través da seguinte ruta:

https://cmatv.xunta.gal/seccion-organizacion/c/CMAOT_Instituto_Estudios_Territorio?content=Direccion_Xeral_Sostibilidade_Paisaxe/Paisaxe/seccion.html&sub=guias-metodoloxicas/

- En xeral, a adecuación paisaxística destes elementos históricos, patrimoniais ou culturais realizarase mediante a instalación de cubertas tradicionais, revestimentos de fachadas con materiais propios de zona e adecuación de portas, portóns, xanelas, etc.
- Este tipo de edificacións tradicionais, polo seu estado de abandono, pode ser un área susceptible de albergar especies de interese para a conservación (quirópteros, aves, réptiles...). Por tal motivo e no seu caso, deberán aplicarse medidas para compatibilizar as obras coa presenza de fauna silvestre. Debe terse en conta que o desaloxo de animais dos seus refuxios nunca debe realizarse sen autorización nin a supervisión da administración competente.

Liña 4: Actuacións de creación e mellora de infraestruturas de xestión e ordenación de usos recreativos:

a) Para a realización de actuacións de restauración e adecuación de sendas e camiños deben terse en conta as seguintes directrices:

- Na reparación do piso, os traballos limitaranse á mellora da explanación existente, sen producir modificacións no trazado nin no longo e largo das vías.
- Exclúese a achega de materiais aglomerados, asfálticos, con formigón ou similares.
- As moreas temporais de materiais estarán illadas do solo e localizaranse en zonas de mínima afección aos elementos da biodiversidade e da paisaxe.
- Se a senda ou camiño a restaurar coincide sobre un corredor de fauna (ríos, lindeiros, etc) as cortas de vexetación limitaranse ao mínimo posible, polo que unicamente poderá actuarse sobre os pés que sexan imprescindibles e á maior altura posible da súa base.



- Durante as actuacións non se debe danar a vexetación arbórea autóctona de ribeira do río, mantendo a estrutura do bosque galego.

b) En relación coa instalación de cartalaría asociada ás actuacións de creación e mellora de infraestruturas de xestión e ordenación de usos recreativos, atárase ao seguinte:

- A información contida nos paneis informativos con respecto á rede Natura 2000 debe ser acorde coa información oficial dispoñible.

- Dado que a finalidade da cartalaría é informar, dirixir ou sensibilizar ás persoas visitantes, os carteis situaranse nas proximidades das infraestruturas de uso público desde onde sexa posible a súa lectura sen saírse delas: beiras dos camiños ou en infraestruturas de uso público do tipo de aparcamentos, áreas recreativas, miradoiros, etc.

- Non se poderá instalar cartalaría sobre hábitats de interese comunitario nin sobre zonas cuxo acceso implique o paso de visitantes por áreas con presenza de hábitats de interese comunitario.

- Non se utilizará materiais como o formigón na fixación da cartalaría, elixindo aquela metodoloxía de suxeición que resulte máis respectuosa co medio ambiente.

b) No caso de proxectos de mellora de centros de interpretación da natureza deberá seguir a Guía de Cor e Materiais de Galicia que pode consultarse á que se pode acceder a través da seguinte ruta:

https://cmatv.xunta.gal/seccion-organizacion/c/CMAOT_Instituto_Estudios_Territorio?content=Direccion_Xeral_Sostibilidade_Paisaxe/Paisaxe/seccion.html&sub=guias-metodoloxicas/

c) Para a construción de aparcadoiros disuasorios, establécense oos seguintes condicionantes:

- Procurarase que as áreas de aparcadoiro non sexan visibles dende as zonas I e II do espazo Natura 2000 ou, no caso de que sexan visibles, deberán establecerse pantallas de vexetación autóctona para reducir a súa visibilidade.

- Deben empregarse materiais e tratamentos adecuados para mellorar a súa integración ambiental e paisaxística para o que deben seguirse as recomendacións indicadas para as Intervencións nos Núcleos Rurais, así como as incluídas no resto das Guías da Paisaxe Galega ás que se pode acceder a través da seguinte ruta:

https://cmatv.xunta.gal/seccion-organizacion/c/CMAOT_Instituto_Estudios_Territorio?content=Direccion_Xeral_Sostibilidade_Paisaxe/Paisaxe/seccion.html&sub=guias-metodoloxicas/